

入水浸兩三日則肉糜於腹腸矣或遇大角雙格吻傍不能入則鹿死而蛇困如遇蛇嚙急拔去已頂心上髮搥破頭頂皮毒水出即愈歷代小史

山雞

合浦有山雞黑色樹栖吳志

鵠鶉

鵠鶉頸短頭細黃魚以九月因秋風而變鶉吏民捕取鹽炙

滋味肥美出交趾合浦南方草木狀

按鵠與鶉本二物鵠色黑無班始由鼠化終復為鼠夏有冬無鶉毛有班點始由魚化終以卵生四時常有今

通呼為鵠鶉矣說本翁屈山

合浦多鶴鶉性善鬥博者率以此爲樂張網田中以犬驚而得之其麻翼黑爪而足高者雄也黃眼赤嘴而足卑者雌也其未鬥時人握其雄者三伐毛三洗髓時在掌中出入不離又處以囊以盛其氣沃之於水以去其肥其將鬥也圍以竹圈誘以香粟拂以項毛兩兩迫促於是奮怒而前爪句喙合灑血淋漓尙相抵觸鬥之旣勝博者因此獲數十金或數百金不等此戲傳自嶺內每冬際鄉民籠鶉出館廉市定期相鬥數月乃罷清季此風最盛今替矣

### 魚生

廉俗重陽嗜食魚生以班魚草魚爲美他魚次之以初出水潑刺者去其皮劍洗其血鮭細削之爲片細肌白理輕可吹

起薄如蟬翼兩兩相比沃以老醪和以椒芷入口水融至甘  
旨矣若螺若蠔雖可生啖多不及此某詩云出水鮮鱗作膾  
宜蠻薑蜜酒沃紅肌相過一味魚生足不必重爲雞黍期又  
曰鱠成雙蝶食如流冬至魚生絕勝秋明歲方塘思佃取養  
魚思向范公求

禾蟲

禾蟲狀如蠶長一二寸夏秋間早晚稻將熟禾蟲自稻根出  
潮長浸田因乘潮入海日夜浮沈水面皆紫

螿

廉瀕海之田多產螿歲食穀芽爲農害惟鴨能食之鴨在  
田間春夏食螿秋食遺稻易於肥大故鄉落間多蓄鴨蓄

鴨有埠埠有主凡鴨食人田稻責之埠主按名以償無敢爲暴者秋穫時鴨價甚賤佃戶納租必以鴨副之

### 焙鴨

廉人善焙鴨以鴨卵五六百枚爲一筐置之土壚冒以衣被環以木屑種火文武其中卵少溫則上下其筐而更易之晝夜凡六七次至於十有一月乃登之牀牀第亦以衣被覆籍時旋滅之適一月而雛孳孳出矣雛稍長大爲子鴨當盛夏時廉人多以茈薑炒食之

### 天蠶

天蠶即蝴蝶蠶合浦海岸民間有飼之者初出繭時爲五綵蝴蝶燦爛可觀雄蝶身小尾尖鬚闊雌蝶身大腹壯每用麻

絲拴脚挂簷下任雄蝶飛去至夜二三更時雄蝶仍飛回與雌蝶交預備竹筐裡用紙糊取雌蝶置筐內即生子大如高粱粟又如蓼花葢色亦如之夏秋蠶出以嫩葉飼之

舊志

### 石蟹

總江多產石蟹隆冬江雪深蟹愈肥漁人捕之漬以鹽椒和以美醪封諸盎名醬蟹越年食之別饒風味外江人視爲無上食品

### 沙蟲

沙蟲爲廉州特產多生於海濱深墊沙中乘潮退而掘之曝乾爲出口貨之一亦有生食者

珠官脞錄卷八

許瑞棠輯著

益智

益智二月花色若蓮出合浦建安八年交州刺史張津以益智子粽餉魏武帝裴松之三國所未採者也

南方草木狀

桂

黃志桂出合浦而生必以高山之巔冬夏常清自為林無雜樹

同上

優殿

合浦有菜名優殿以豆醬汁茹食之甚香美

同上

酢耗

醉毘藤生山中  
大如萃蒿採取剝之以作毘出合浦太平御覽

簡子藤

簡子藤生緣樹木  
正二月花四月熟實如黎赤如雄雞冠核  
如魚鱗生食之味淡出合浦同上

杉葉

合浦東有杉一樹  
漢安帝永初五年春葉落隨風飄入洛陽  
城其葉大常數十倍術士廉盛曰合浦東杉葉也  
此休徵當出王者遣使驗之信乃以千人伐樹役夫多死者其後三百人坐斷株上食過足相容至今猶存南方草木狀  
張說詩傳聞合

浦葉曾向洛陽飛  
吳均詩三秋合浦葉九月洞庭枝  
韓道衡吳趨行杉葉朝飛向洛京  
文海夜過歷吳州皇甫丹詩心隨

合浦葉命寄首陽薇揚盈川文合浦杉葉飛向洛陽

### 吉利草

吉利草其莖如金釵股形類石斛根類芍藥交廣俚俗多畜  
蠱毒惟此草解之極驗吳黃武中江夏李侯以罪徙合浦初  
入境遇毒其奴吉利者偶得是草焉侯服遂解吉利即遁去  
不知所之侯以此濟人不知其數遂以吉利爲名豈李侯者  
徒非其罪或侯自有隱德神明啟吉利者救之耶

南方草  
木狀

按房千里投荒錄誤寫吉利爲吉財

### 栝欄

栝欄椶也皮可作索枸椴樹也直而高其用與栝欄同木棉  
樹高大其實如酒杯皮薄中有如絲棉者色正白破一實得



數斤合浦縣皆有

文選五劉淵林注

### 鳳仙花

鳳仙花葉如桃葉而有鋸齒極間作花重瓣繽紛頭翹尾足皆具翹然如鳳之形故一名鳳仙花有紅白紫數色婦女以花搗爛包染指甲少時媽紅奪目故稱指甲花有歌云指甲花連指甲草大家染得春纖好又云指甲葉鳳仙花染成纖爪似紅芽

按詩家吟詠每以鳳仙花爲指甲花意以能染指甲故以是得名而不知非也攷稽含南方草木狀謂指甲花其樹高五六尺枝條柔弱葉如嫩榆與茉莉相似香亦過之胡人移其種於南海而此花極繁細如米粒彼人

多折置襟袖間葢資其芬馥一名散沫花於以知指甲  
花之自有真也自以僞者淆之而真者反晦噫又豈獨  
指甲花爲然歟

### 檳榔

檳榔多自瓊州安南入廉嗜之者和以嫩石灰佐以薑葉灰  
少則澁葉多則辣故貴酌其中大嚼則味不回細嚙則甘乃  
永故貴得其節善食者以爲口實一息不離不善食者汁少  
而渣清立唾之矣屈翁山有詩云日食檳榔口不空南人口  
讓北人紅灰多葉少如相等管取臙脂箇箇同謂此邑人素  
重檳榔欸客必先擊進聘婦者染以絳色佐以薑葉以充筐  
實葢薑與葉有夫婦相需之象故邑人以爲聘果屈翁山云